

四庫全書

子部

欽定四庫全書

玉機微義卷八

明 徐用誠 原輯

劉 純 續增

欬嗽門

諸經敘欬

內經曰五臟六腑皆令人欬非獨肺也皮毛者肺之合也皮毛先受邪氣邪氣以從其合也五臟之欬久乃移於六腑

本文腑臟欬狀見後湯液方下

按欬論五臟六腑千金方又引心主欬然則十二經皆有欬證也

千金方曰論云有風欬有寒欬有肝欬有心欬有脾欬有肺欬有腎欬有膽欬有厥陰欬有肢欬十欬之異欲語因欬言不得竟謂之風欬飲冷食寒因之而欬謂之寒欬心下堅滿欬則支痛其脈反遲謂之肢欬欬則引脅下痛謂之肝欬欬而唾血引手少陰謂之心欬欬而

涎出續續不止引少腹謂之脾欬欬引頸項而唾涎沫  
謂之肺欬欬則耳無所聞引腰并臍中謂之腎欬欬而  
引頭痛口苦謂之膽欬欬而引舌本謂之厥陰欬風欬  
者不下之寒欬肢欬肝欬刺足太衝心欬刺手神門脾  
欬刺足太白肺欬刺手太泉腎欬刺足太谿膽欬刺足  
陽陵泉厥陰欬刺手太陵

按此論五臟洎風寒肢膽厥陰經為十欬其引現證  
與經論臟腑欬證皆稍異詳肢欬即氣與支飲證也

經有三焦歟而無心主此有心主而無三焦然已發其秘矣惜乎胃大小腸膀胱歟及針治皆畧之不議

脈法

脈經曰關上脈微為歟 肺脈微急為歟而唾血 歟而脈弦濇為少血 脈緊者肺寒雙弦者寒浮緊者虛寒 脈浮而緩傷風 脈細傷濕 數則為熱沉數者為實熱 脈弦為水偏弦為飲脈沉為留飲 洪滑多痰 歟脈浮直者生浮軟者生

欬證死脈

欬而脈緊者 小沉伏匿者 欬而羸瘦脈形堅大者  
欬而脫形發熱脈小堅急者 肌瘦下脫形熱不去  
欬而嘔腹脹且洩其脈弦急者皆死不治

論欬與嗽本一證

子和曰內經陰陽應象論云秋傷於濕冬生欬嗽五臟  
生成篇云欬嗽上氣診要經終篇云春刺秋分環為欬  
嗽示從容篇云欬嗽煩冤者腎氣之逆也此四篇中連

言欬嗽其餘篇中止言欬而不言嗽如生氣通天論云  
秋傷於濕上逆而欬與大氣論丈義同而無嗽字乃知  
欬即嗽明矣

謹按欬與嗽本兩字義內經已作一證連言之愚詳  
大抵欬者氣動也陽也嗽者兼血也陰也況是證其  
本雖殊其標則一故世俗不以為疑唯潔古發內經  
微旨其義見下

病機機要云欬謂無痰而有聲肺氣傷而不清也嗽謂

無聲而有痰脾濕動而為痰也咳嗽謂有聲有痰也因傷肺氣動於濕因欬而有嗽也夏月嗽而發熱者謂之熱痰嗽小柴胡四兩加石膏一兩知母半兩用之冬月嗽而發寒熱謂之寒嗽小青龍加杏仁服之蜜煎生薑湯蜜煎橘皮湯燒生薑胡桃皆治無痰而嗽者此乃大例更當隨時隨證加減之痰而能食者大承氣微下之痰而不能食者厚朴湯主之

論嗽分六氣母拘於寒



子和曰素問言皮毛者肺之合也邪因而客之則為肺  
欬後人見是斷欬為寒更不參較他篇豈知六氣皆能  
為欬然可以辨其六者之狀 風乘肺者日夜無度汗  
出頭痛痰涎不利

熱乘肺者急喘而欬面赤潮熱手足寒乳子亦多有  
之

寒乘肺者欬喘上壅涕唾出血甚者七竅血溢 燥乘  
肺者氣壅不利百節內痛頭面汗出寒熱往來皮膚乾

燥細瘡燥痒大便秘澀涕唾稠粘 寒乘肺者或因形  
寒飲冷冬月坐臥濕地或胃冷風寒秋冬水中感之嗽  
急而喘此非六氣之云乎

按此只述六氣為病故其論中集司天勝復為欬之  
畧但無濕乘肺式方治則又有之式蓋脫簡爾然丹  
溪先生論欬有因勞因痰因肺脹因食積作痰發熱  
致嗽或嗽而聲嘶者此因血虛受熱所致皆內因病  
本之不同如傷寒小青龍湯治例為水飲與表寒相

合而欬真武湯所主為水飲與裏寒相合而欬傷寒  
中風往來寒熱胸滿心煩喜嘔而欬加減小柴胡主  
之為陽邪傳肺加味四逆散主陰邪傳裏而欬者此  
皆外因傳變之例豈可枚舉但欬證之標一人故不  
歷求其本也觀子和之論然亦啓其微爾

論欬分三因

陳無擇云傷風欬者憎寒壯熱自汗惡風口乾煩燥傷  
寒欬者憎寒發熱無汗惡寒煩躁不渴傷暑欬者煩熱

引飲口燥或吐涎沫聲嘶咯血傷濕欬者骨節煩疼四肢重著洒淅此屬外因五臟欬而不已則六腑受之者此屬內因如欬而發作寒熱引腰背痛或喘滿此因房勞傷腎或中滿腹脹搶心痛不欲食此因飢飽傷脾或欬而左脇偏疼引小腹并膝腕疼此因疲極傷肝或吐白涎口燥聲嘶此因呼呌傷肺或欬而煩熱自汗咽乾咯血此因勞神傷心並屬不內外因也假如尺脈浮瀼而數則知傷腎右關脈濡則知飲食傷脾左關脈弦短

則知疲極傷肝但不應人迎氣口者即是不内外因也  
嚴氏云欬嗽始關於肺終則聚於胃使人多涕唾而面  
浮腫氣逆也治法當審脈證三因若外因邪氣止當發  
散又須原其虛實冷熱若內因七情則隨其部經在與  
氣口脈相應浮緊為虛寒洪滑為多痰當以順氣為先  
下痰次之有停飲而欬又須消化之切不可用烏梅粟  
殼澁酸之藥其寒邪未除亦不可使用補藥尤忌憂思  
過度房室勞傷遂成瘵疾矣

按此論欬證備三因可謂詳悉但外因現證與前子  
和論六氣異者此蓋言邪氣外感非乘客於肺之比  
也惜乎諸因方治未備所論脈證治法極闢其微至  
禁不可使用澁補甚得大法之要大抵此證其原實  
多故不可使用澁之補之也然不能忌憂思戒房室  
而性躁及脫營之人皆所難療

論濕痰主嗽

潔古曰嗽者秋傷於濕積於脾經曰秋傷於濕冬必

欬嗽大抵素秋之氣宜清而肅反動之則氣必上衝而為欬嗽甚則動於濕而為痰也是知脾無留濕雖傷肺氣不為痰也有痰者寒少熱多各隨五臟而治之假令濕在肝經謂之風痰濕在心經謂之熱痰濕在脾經謂之濕痰濕在肺經謂之氣痰濕在腎經謂之寒痰宜隨證而治之欬而無痰者以辛甘潤其肺欬而嗽者治痰為先故以南星半夏勝其痰而欬嗽自愈枳殼陳皮利其氣而痰自下

按此論欬因濕在於經致痰為欬五臟亦皆有之可謂發內經之秘矣然至氣鬱津液不降或停水飲所致或腎氣虛弱火炎水涸津液湧而為痰涎於上此氣飲及真臟為病非諸經之留濕致病也故易老云半夏止能洩痰之標而不能治痰之本是矣詳已上所言枳殼等利氣下痰恐非易老語也

論痰飲治欬

詳見痰飲門

論嗽發蚤晏病本不同



丹溪曰上半日嗽者屬胃中有火午後嗽者屬陰虛五更嗽多者此胃中有食積至此時滯肺氣不利諸邪或痰皆然春是春升之氣或外感夏是火炎上最重秋是濕熱傷肺冬是風寒外來也

論乾咳治法

原病式曰人瘦者腠理疎通而多汗泄血液衰少而為燥熱故多為勞嗽之疾也

丹溪曰咳而無痰者此係火鬱之證乃痰鬱火邪在中

用苦梗以開之下用補陰降火不已則成勞此證不得志者有之

謹按欬無痰者本肺氣傷而不清欬久則痰鬱於中不能上出故當用藥以開提之實者宣法亦可施也凡嗽久亦有痰中兼血者或帶血絲者燥熱血少者皆當取其化源故曰滋陰降火燥熱勞嗽是宜合而論治

論欬為肺痿

金匱方論曰熱在上焦者因欬為肺痿得之或從汗出  
或從嘔吐或從消渴小便利數或從便難又被快藥下  
利重亡津液故寸口脈數其人欬口中反有濁唾涎沫者  
為肺痿之病若口中辟辟燥欬即胸中隱隱痛脈反滑  
數此為肺癰欬唾膿血脈數虛者為肺痿數實者為肺  
癰

按此言肺痿屬熱如欬久肺癰聲啞聲嘶咯血此屬  
陰虛火熱甚是也本論治肺痿吐涎沫而不欬者其

人不渴必遺尿小便數以上虛不能制下故也此為  
肺中冷必眩多涎唾用炙甘草乾薑此屬寒也肺痿  
涎唾多心中溫液溫液者用炙甘草湯此補虛勞也  
亦與補陰虛火熱不同是皆宜分治故肺痿又有寒  
熱之異也

欬嗽治法

治風之劑

局方消風百解散治欬嗽聲重身熱頭疼

按此手太陰陽明藥也

金沸草散治欬因感風寒頭痛聲重

方並見傷風門

按此手足太陰藥也

敗毒散治痰嗽身熱鼻塞

柴胡

前胡

羌活

獨活

桔梗

枳殼

茯苓

甘草

人參

川芎

各等分

右咬咀水煎每一兩或半兩

按此足太陽少陽手太陰藥也

表裏氣血之劑

子和搜風丸

方見中風門

按此手足太陰陽明足太陽藥也

按以上諸方並出太陽解表例但此丸下濕熱痰之劑也實亦汗下之異

治寒之劑

小青龍湯治感風寒表不解而欬心下水氣或喘

方見痰飲門

金匱方治欬而脈浮去芍加厚朴杏仁石膏小麥  
簡易九寶湯治欬而身熱發喘惡寒

麻黃

薄荷

陳皮

桂心

紫蘇

杏仁

甘草

桑白皮

大腹皮

各等分

右咬咀入葱薑煎

按此手太陰足太陽藥也

散風寒下氣之劑

人參杏子湯止嗽散風寒逐痰飲

人參

半夏

茯苓

白芍

桂枝

乾薑

細辛

甘草各一錢

五味子半錢杏仁一錢

右咬咀入薑煎

按此手足太陰足太陽少陰藥也

半夏溫肺湯止嗽喘治虛寒

方見痰飲門



局方華蓋散治感寒而嗽胸滿聲重

蘇子

陳皮

赤茯苓

桑白皮

麻黃各一兩甘草十兩

右咬咀入薑煎

按此手太陰之本藥也

氣分之劑

金匱射干麻黃湯治欬而上氣喉中水雞聲

射干

細辛

紫苑

款冬花各

一錢半

麻黃

生薑各二錢

半夏二錢半

五味子一錢

大棗二箇

右咬咀水煎作一服

按此足太陽例藥也

按以上諸方並足太陽解表例兼逐飲降痰下氣之法不同况寒證亦有輕重用者自宜取擇

治暑之劑

人參白虎湯治欬而身熱脈虛發渴

東垣清暑益氣湯治中暑身熱自汗欬而脈虛  
局方黃連香薷飲治暑熱乘肺欬而脈洪

方並見暑門

按暑嗽亦自病本不一姑錄此三方可見治例輕重  
亦殊如消暑丸亦其法也

方見暑門

### 治濕之劑

五苓散治欬而煩脈緊而細

按此足太陽藥解表之劑也

十棗湯治欬而脈弦有水氣者

方並見痰飲門

按此足少陰例下劑也

白朮湯治欬而脈細

白朮

白茯苓

半夏

各等分

右咬咀每服一兩薑煎或為末每半兩煎取清汁調神麴末二錢頻服之 一方加黃芩等分

按此足陽明太陰藥也

白朮木香散治喘嗽腫滿欲變水氣者

白朮

猪苓

甘草

澤瀉

茯苓

各半兩

木香

檳榔

各三錢

陳皮

二兩

桂枝

二錢

滑石

三兩

右為末每服五錢入薑煎

按此足太陽手太陰藥也以上三方並太陽例但加  
半夏為治痰加姜桂兼散寒溫胃加木香檳榔為兼  
下氣爾

機要欬氣丸治欬久痰喘肺氣浮腫

青皮

陳皮

檳榔

木香

杏仁炒

郁李仁

白茯苓

澤瀉

當歸

各一兩

馬兜零

苦葶藶

各三兩

人參

防己

各五錢

牽牛頭末

一兩半

右為末薑汁糊丸桐子大每三十九至五十六丸煎

水下

按此手足太陰氣血之藥也

治燥之劑

千金五味子湯治欬嗽不已皮膚乾燥唾中有血胸脇  
疼痛

五味子

桔梗

紫苑

甘草

續斷各三錢

竹茹三錢

赤小豆一撮

生地黄

桑白皮

各半兩

右咬咀作二服水煎

按此手足太陰藥也

氣血之劑

子和神功丸

大黃

煨

訶子

麻子仁

另研

人參

各一兩

右為末入麻仁研勻煉蜜丸桐子大每三二十九溫水下

按此手足太陰陽明藥也丹溪曰訶子治肺氣因火傷極遂鬱遏脹滿取其味酸苦有收斂降火之功若佐以海粉香附瓜蒌青黛半夏麴治嗽非止瀉之藥



也

治火之劑

黃連解毒湯治欬而脈洪喘急

梔子仁湯治熱躁而欬

麥門冬湯治火熱乘肺欬唾有血

方並見火門

治熱之劑

仲景加減小柴胡湯治欬而寒熱往來

柴胡

半夏

黃芩

甘草

乾薑

五味子

右咬咀水煎

地骨皮散

知母

柴胡

甘草

人參

地骨皮

茯苓

半夏

右咬咀入薑煎

按此二方足少陽例藥也

海藏紫苑散治效中有血虛勞肺痿

人參

紫苑

知母

貝母

桔梗

甘草

五味子

茯苓

阿膠

右咬咀水煎

人參蛤蚧散治三二年肺氣上喘欬嗽膿血滿面生瘡

蛤蚧一對全者河水浸五日每換水洗酥炙黃

杏仁去皮尖

甘草各五兩

人參

茯苓

貝母

知母

桑白皮 各二兩

右為末磁器內盛每日熱茶清點服

按以上二方手太陰之的藥也或曰欬之病本不同  
何用藥往往必於肺然欬者因聲名病也故多本於  
肺經云肺象金堅勁扣之有聲邪擊於肺故為欬也  
且肺為腑臟之華蓋主於氣生皮毛朝百脈布化精  
氣者也或一臟一脈不利或九氣所動或天之六氣  
所感或水穀寒熱內因所動則肺亦病矣故欬證雖

日病本不同是以治例往往相類但病有輕重所兼之殊方亦奇偶溫涼之異爾

宣明知母茯苓湯治欬嗽不已往來寒熱自汗肺痿

甘草

茯苓各一兩

知母

五味子

人參

薄荷

半夏

柴胡

白朮

款冬花

桔梗

麥門冬

黃芩

各半兩

川芎

二錢

阿膠

三錢

右咬咀每一兩入薑煎

按此足少陽例藥也

手足太陰之劑

東垣加減瀉白散治陰氣在下陽氣在上欬嗽嘔吐喘急

桑白皮

一兩

地骨皮

七錢

甘草

陳皮

青皮

五味子

人參

各五錢

白茯苓

三錢

右咬咀每服半兩水煎入粳米二十粒

寶鑑加減瀉白散治欬而口乾煩熱胸膈不利氣喘促

桑白皮一兩

地骨皮

知母

陳皮

桔梗各五錢

青皮

細黃芩

甘草炙

各三錢

右咬咀每服五錢水煎食後溫服

按此一方手太陰氣分藥也寶鑑曰華陀云盛則為喘減則為枯活人云發喘者氣有餘也凡看文字須

要會得本意盛而為喘者非肺氣盛也喘為氣有餘者亦非肺氣有餘也氣盛當認作氣衰有餘當認作不足肺氣果盛為有餘當清肅下行而不喘以其火入於肺衰與不足而為喘焉故言盛者非言肺氣盛也言肺中之火盛也言有餘者非言肺氣有餘也言肺中之火有餘也故瀉肺以苦寒之劑非瀉肺也瀉肺中之火實補肺也用者不可不知然已上一方畧有加減不同故兩存之



金匱要略卷八  
局方欬冬花散止嗽祛痰散風熱

知母

桑白皮

欬冬花

麻黃

阿膠

貝母

杏仁

甘草

半夏

右咬咀入薑煎

按此手太陰之藥出足太陽麻黃例兼發表也然治風與寒皆宜解表但亦有可下者如傷風有下證同況欬證多兼痰飲宜後滾痰小胃選用

金匱澤漆湯治欬而脈沉

小柴胡內減柴胡加紫參白前 各五錢

桂枝 三錢 澤漆 三合另煮

右九味咬咀內澤漆汁中煮取溫服

按此出太陽解肌例然未至為肺痿藥也

理氣之劑

三因參蘇飲治欬嗽發熱

局方四七湯治欬而痰涎在喉噎間不下

二陳湯治欬而胸膈不利

蘇子降氣湯治痰嗽喘促氣不升降

方並見痰飲門

東垣加減三奇湯治欬嗽上氣喘促胸膈不利

桔梗

陳皮

甘草

青皮

人參

紫蘇

桑白皮

各五錢

半夏

七錢

杏仁

三錢

五味子

四錢

右咬咀每六七錢入薑煎

濟生橘蘇飲

前方減桔梗青皮人參加貝母白朮

寶鑑人參款花膏治肺胃虛寒久嗽不已咽膈滿悶款  
嗽痰涎勞嗽

款冬花

人參

五味子

各八錢

紫苑

桑白皮

各二兩

杏仁八錢

木香

檳榔

蘇葉

半夏湯泡數次各五錢

右熬成膏入煉蜜丸如雞頭大每一丸食後細嚼淡

薑湯下

按以上三方理氣道痰之劑也皆本手太陰例比之前四方此則兼有滋補之意又當隨臟氣而用之可也

收斂之劑

局方人參清肺湯治喘嗽胸滿煩熱聲瘖自汗

地骨皮

知母

杏仁

人參

甘草

阿膠

桑白皮

烏梅

粟殼各等分

右咬咀水煎

按此以甘寒降火兼酸收辛金之散涼而澀之也  
人參定喘湯治欬而上喘

人參

麻黃

半夏

阿膠

甘草

桑白皮

五味子各一兩半

栗殼二兩

右咬咀入薑煎每半兩或一兩

按此以辛散之甘緩之酸收之本於寒邪者可用

宣明寧神散治欬嗽多年不已常自汗服藥不效者

栗殼一兩醋炒烏梅半兩

右為末每二三錢沸湯調下

按此劫劑也非虛脫者勿用故上澁之藥似難例使  
滋陰之劑

金匱腎氣丸治腎陰虛弱津液不降敗濁為痰致欬逆  
者

方見補虛門

按此論見痰飲門

良方補肺湯治勞嗽

桑白皮

熟地黃各二兩 人參

紫苑

黃芪

川五味子 各一兩

右為末每二錢水煎入蜜少許服

按此二方少陰例藥也然勞嗽諸方如前治熱之劑  
皆可選用但因勞而嗽則非嗽為本也良方切勞散  
例是矣故補劑不復具例

治邪注之劑



深師四滿丸治五嗽一上氣嗽二飲嗽三鰓嗽四冷嗽

五邪嗽

乾薑

桂心

躑躅花

芎藭

紫苑

羌花根皮各二分

蜈蚣一條

去頭足炙

細辛

甘草炙

鬼督郵

人參

半夏各一分

右為末煉蜜丸如大豆許每五丸米飲下日三未效  
加至七八丸忌羊肉飴葱生菜

按此太陽例藥邪謂邪惡鬼注之疾故立是方如千金方謂夢與鬼交及飲食者用通氣丸全以蜈蚣是也蓋曾有如是而治愈者矣姑存之以備其肯但今人罕能識矧治療乎且云通療五嗽恐未必然也如鰓嗽以臭而名之病體豈無熱與濕熱乎

治痰諸方

青州白丸子

水煮金花丸治嗽而脈弦面青四肢滿便溺秘多怒

按此治風痰之劑也

王隱君滾痰丸

機要小黃丸治嗽而脈洪面赤煩熱心痛口乾

按此治熱痰之劑也

局方溫中丸

機要薑桂丸治嗽而脈沉面色黧黑小便急痛足寒而逆

按此治寒痰之劑也

已上方並見痰飲門

白朮丸治嗽而脈緩面黃肢體沉重嗜臥不收腹脹食  
不消

南星

半夏 各製一兩

白朮 一兩半

為細末浸湯蒸餅為丸桐子大每五六十丸姜湯下  
按此治濕痰之劑也

玉粉丸治欬而脈澁面白氣上喘促洒淅寒熱悲愁不  
樂

南星

半夏 各製一兩  
陳皮 一兩

右末浸蒸餅丸桐子大每三四十丸人參薑湯下  
按此治氣痰之劑也

瑞竹堂化痰丸順氣快脾化痰消食

半夏

南星 去皮

白礬

皂角 切

生薑 各一斤

右用水煮至南星無白點為度去皂莢不用薑切同  
晒乾

陳皮

青皮 去穰

紫蘇子 炒

蘿白子 炒

別研

杏仁去皮尖炒研

葛根

神麴炒

麥蘖炒

唐菟子

香附子各一兩合前

四味一處碾為末

右浸蒸餅為丸如桐子大每服五七十九臨臥食後

茶酒任下

按此治食痰之劑也

丹溪小胃丹治膈上熱痰濕痰肩膊疼痛

甘遂水濕麴裹再浸半日

大戟長流水煮一時再

水洗

先花

醋拌勻過一宿瓦上微炒焦各

半兩

黃柏

三兩炒

大黃

紙裹濕灰內

煨再切酒浸炒一兩半

右為末粥丸麻子大每二三十九津唾下

按此治濕熱之劑也

干緡湯

太半夏

七箇泡切阜筴去皮一寸甘草炙一寸

右咬咀入薑三大片煎服

按此治風濕之劑也

導痰湯

半夏

四兩

南星

枳實

赤茯苓

陳皮

各一兩

甘草

半兩

右咬咀每服一兩入薑煎

按此理氣導痰之劑也然諸飲致效導痰治積諸方  
詳見痰飲門茲不備錄

腑臟湯液諸方



小柴胡湯治肝臟發欬兩脇下痛甚則不可以輟轉則

兩脇下滿

方見熱門

黃芩加半夏生薑湯治膽腑發欬嘔苦水若膽汁

黃芩

生薑各三錢

甘草炙

芍藥各

一錢

大棗二箇

半夏半合

右咬咀水煎

桔梗湯治心臟發欬而喉中如梗狀甚則咽腫喉痺

苦梗三錢

甘草六錢

右咬咀水煎

芍藥甘草湯治小腸腑發欬欬而失氣

芍藥

甘草 炙各四錢

右咬咀水煎

升麻湯治脾臟發欬欬而右脇下痛痛引肩背甚則不

可以動

升麻

白芍

甘草 各二錢

葛根 三錢

右咬咀水煎

烏梅丸治胃腑發欬欬而嘔嘔甚則長蟲出

烏梅三十箇

細辛

附子

桂枝

人參

黃柏

各六錢

乾薑

一兩

黃連一

兩半

當歸

蜀椒

各四錢

右酒浸烏梅一宿去核蒸之與米飯搗如泥和諸藥

末相得加蜜丸桐子大每三十九白湯下

麻黃湯治肺臟發欬欬而喘息有聲甚則吐血

麻黃 三錢

桂枝 二錢

甘草 一錢

杏仁 二十箇

右咬咀水煎

赤石脂 禹餘糧 湯治大腸臍發欬欬而遺屎

赤石脂

禹餘糧 各二兩並打碎

右水煎服

麻黃附子細辛湯治腎臟發欬欬則腰背相引而痛甚則欬涎

麻黃

細辛 各二錢

附子 一錢

右咬咀水煎

茯苓甘草湯治膀胱腑發欬欬而遺溺

茯苓二錢

桂枝二錢半

生薑五大片

甘草炙一錢

右咬咀水煎

異功散治久欬不已三焦受之其狀欬而腹滿不欲飲食此皆聚於胃關於肺使人多涕唾而面浮腫氣逆也

人參

茯苓

白朮

甘草

陳皮等分

右咬咀或為末每服二三錢入薑棗煎服

謹按已上諸方並傷寒例藥也故存之以備其旨然  
效證以三因論之則一臟一腑病機亦非止於寒也  
熏法

治久嗽風入肺者用鵝管石雄黃鬱金款冬花礪末和  
艾中以生薑一片留舌上灸之以煙入喉中為度如作

筒子捲藥燒煙吸之亦妙

灸法

千金方云灸者灸兩乳下黑白際各數十壯即差又  
以蒲當乳頭周匝圍身令前後正中當脊骨灸十壯

上氣欬嗽短氣氣滿食不下灸肺募五十壯 上氣欬

逆短氣風勞百病灸肩井二百壯 上氣欬逆短氣胸  
滿多唾唾惡冷痰灸肺俞五十壯

玉機微義卷八

欽定四庫全書

玉機微義卷九

明 徐用誠 原輯

劉 純 續增

熱門

發熱附

內經叙熱為諸證

諸病喘嘔吐酸暴注下迫轉筋小便渾濁腹脹大鼓之  
有聲如鼓癰疽瘍疹瘤氣結核吐下霍亂瞽鬱腫脹鼻  
塞衄血溢血泄淋悶身熱惡寒戰慄驚惑悲笑譫妄衄



穢血汚皆屬於熱

按此病機皆內經氣交變論五常政論至真要論等  
文河間劉守真撮而為六氣為病今但以身熱發熱  
分例如已下經言有諸病本之不同故茲病機不復  
參附一一見各類云餘證倣此

叙陰陽虛盛為熱

經曰夫熱病者皆傷寒之類也 陽勝則熱 陰虛則  
內熱 陽盛則外熱內外皆熱則喘而渴故欲冷飲也

陽盛則身熱腠理閉喘粗為之俛仰汗不出而熱甚  
乾以煩冤腹滿死能冬不能夏 有四肢熱逢風寒如  
灸於火者是人陰氣虛陽氣盛也 人身非常熱也為  
之熱而煩滿者陰氣少而陽氣勝故熱而煩滿也 三  
陽之病發寒熱 病熱而有所痛者是三陽之動也

脉法

內經曰大熱病氣熱脈滿是謂重實尺寸脈俱虛是謂  
重虛

粗大者陰不足陽有餘為熱中也王註云粗大謂脈洪大也脈洪為熱脈緩而滑脈尺粗常熱者皆熱中也

陽氣有餘為身熱無汗脈反濡者為太過血少陰虛也謹按經曰脈至而從按之不鼓諸陽皆然王註云病熱而脈數按之不鼓動乃寒盛格陽而致之非熱也形證是寒按之而脈氣鼓擊於指下盛者此為熱盛拒陰而生病非寒也

又曰推而內之外而不內身有熱也傷寒論曰寸口

脈微為陽不足陰氣上入陽中則洒淅惡寒尺脈弱  
為陰不足陽氣下陷入陰中則發熱也與難經言覆溢  
相乘及六難浮損沉實義皆診法之至要於熱證大  
宜諳識

難經曰熱病之脈陰陽俱浮浮之而滑沉之散濡

脈經曰弦數多熱 數為熱極數脈為虛為熱 數洪

熱煩 脈來如懸鉤而浮為熱 滑數心下結熱盛

緊而數寒熱俱發 沉細滑疾者熱 脈盛滑緊者病

在外熱 脈沉而緊上焦有熱下寒脈浮緊且滑直者  
外熱內冷內不通 寸口脈浮大而疾者名曰陽中之  
陽病苦煩滿身熱頭痛腹中熱 寸口脈實熱在脾肺  
數為吐為熱在胃口 關脈滑數胃中有客熱 緩而  
滑為熱中 牢脈為脾胃盛熱 尺脈實為身熱心痛  
數為臍下熱痛浮為下熱風 凡脈洪大傷寒熱病也  
謹按經曰脈浮緊發熱為傷寒卒病 脈浮而大者  
風脈浮數無熱者為風 脈浮如數而有熱者氣也

皆與熱證脈相類

脈經曰熱病脈小或細喘逆不得大小便腹大而脹汗出而厥逆泄注脈大小不調皆難治 熱病已得汗而脈尚躁盛此陰脈之極也死 熱病不得汗而脈躁盛者此陽脈之極也死 脈浮而瀦瀦而身有熱者死  
論熱在氣在血之分

東垣曰晝則發熱夜則安靜是陽氣自旺於陽分也晝則安靜夜則發熱煩躁是陽氣下陷入陰中也名曰熱

入血室晝則發熱煩躁夜則發熱煩躁是重陽無陰也  
當亟瀉其陽峻補其陰

論五臟有邪身熱各異

以手捫摸有三法以輕手捫之則熱重按之則不熱是  
熱在皮毛血脈也重按之至筋骨之分則熱蒸手極其  
輕手則不熱是邪在筋骨之間也輕手捫之不熱重力  
以按之不熱不輕不重按之而熱是在筋骨之上皮毛  
血脈之下乃熱在肌肉也

肺熱者輕手乃得微按全無日西熱甚乃皮毛之熱其證必見喘咳寒熱輕者瀉白散重者涼膈散地骨散

心熱者微按至皮膚之下肌肉之上輕手乃得微按至皮毛之下則熱少加力按之則全不熱是熱在血脈也其證煩心心痛掌中熱而噦以黃連瀉心湯導赤散硃砂安神丸

脾熱者輕手捫之不熱重按至筋骨又不熱不輕不重在輕手重手其間熱在肌肉遇夜尤甚其證必急脣嗜



臥四肢不收無氣以動瀉黃散

肝熱者重按之肌肉之下至骨之上乃肝之熱寅卯間  
尤甚其脈弦四肢滿悶便難轉筋多怒多驚四支困熱  
筋痿不能起於床瀉青丸柴胡飲子

腎熱者輕手重手俱不熱如重手按至骨分其熱蒸手  
如火其人骨蘇蘇如蟲蝕其骨困熱不任亦不能起於  
床滋腎丸主之

按此手太陰少陰足太陰厥陰少陰本病為皮毛肌

肉骨分熱也然面熱者足陽明 口中熱如膠足少  
陰 口熱舌乾足少陰 耳肌熱若寒手太陽 掌  
中熱手厥陰少陰太陰 足下熱而痛足少陰 足  
外熱足少陽 身熱膚痛手少陰 身前熱足陽明  
洒淅寒熱手太陰 肩上熱肩似拔手太陽 中  
熱而喘足少陰 肩背熱及足小指外廉脛踝後皆  
熱足太陽 一身盡熱狂而妄聞妄見妄言足陽明  
熱而筋縱緩不收陰痿足陽明厥陰手少陰與前

熱在氣血之分皆諸經現證腑臟陰陽是動所生之本病也

論表裏熱

病機機要云有表而熱者謂之表熱無表而熱者謂之裏熱有暴熱而為熱者乃久不宣通而致也有服溫藥而為熱者有惡寒戰慄熱者治法小熱之氣涼以和之大熱之氣寒以取之甚熱之氣以汗發之發之不盡則逆制之制之不盡求其屬以衰之苦者治臟臟屬陰而

居內辛者治腑腑屬陽而在外故內者下之外者發之  
又宜養血益陰其熱自愈

按此但總言表裏之意而未分所受標本之源然合  
前後諸論觀之則其病機著矣

論雜病陰陽虛實寒熱與傷寒不同

內經曰陰虛生內熱者因有所勞倦形氣衰少穀氣上  
盛上焦不行下脘不通胃氣熱熱氣熏胸中故內熱陽  
盛則外熱者因上焦不通利則皮膚緻密腠理閉塞玄

府不通衛氣不得泄故外熱 陽虛則外寒陰盛則內

寒 見寒門

謹按趙嗣真曰素問論陰陽虛實四證者雜病也難經六難之文論脈也外臺所述之文論傷寒表裏也但仲景所主陰陽虛盛之意理實與馬經云邪氣盛則實精氣奪則虛因正氣先虛以致邪氣客之而為盛實於是有陽虛陰盛陰虛陽盛二證之別如活人書却將素問所論雜病陰陽虛盛四證合而引證仲

景傷寒二證之法又改陽盛外熱作內熱陰盛內寒  
作外寒所論初未嘗合因拓仲景所主陰陽虛盛之  
理而詳說之蓋盛者指邪氣而言虛者指正氣而言  
陰陽虛盛邪正消長之機且正氣在人陽主表而陰  
主裏邪氣中人表為陰而裏為陽若夫表之真陽先  
虛故陰邪乘陽而盛實表受邪者陽虛也脈浮緊者  
陰邪盛於外也是謂陽虛陰盛所以桂枝麻黃辛甘  
之溫劑汗之則陰邪消溫之則真陽長使邪去正安

故愈又若裏之真氣先虛故陽邪入陰而盛實裏受邪者陰虛也脈沉實者陽邪盛於裏也是謂陰虛陽盛所以用承氣酸苦之寒劑下之則陽邪消寒之則真陰長邪去正安故愈如其不然陽盛而用桂枝下咽即斃陰盛而用承氣入胃以亡是皆盛盛虛虛而致邪失正也以是知仲景所主陽虛陰盛陰虛陽盛二證之意深蓋指一為表證一為裏之邪正消長而言非兼言表和裏病裏和表病而謂之陰陽虛盛也

況和者無病處也虛者受病處也斯論可謂得仲景之心法然陰虛生內熱詳東垣丹溪之說則又有陰虛外熱之證陽勝外熱考之河間往往有陽勝內熱之例是皆原其病機也然經言者內因證也本病也河間東垣丹溪言者極變之證也標病也所謂亢則害承迺制之例又按仲景論陰陽相搏名曰動陽動為陽虛虛則汗出陰動為陰虛虛則發熱如不汗出發熱而反形冷惡寒者三焦傷也或病因醫所誤汗



下之致惡寒發熱者一為陰陽不和一為陰陽陷下  
致病若此諸例豈止陰陽虛實而已但所因不同極  
變之異爾

論雜證發熱惡寒與傷寒不同

許學士曰仲景云假令寸口脈微名曰陽不足陰氣上  
入陽中則洒淅惡寒也尺脈弱名曰陰不足陽氣下陷  
入陰中則發熱也此謂元受病而然也又云陽微則惡  
寒陰弱則發熱此醫發其汗使陽氣微又大下之令陰

氣弱此謂醫所病而然也大抵陰不足陽往從之故陽內陷則發熱陽不足陰往乘之故陰上入陽中則惡寒陰陽不歸其分故寒熱交爭是以發熱而惡寒也

原病式曰身熱惡寒熱在表也邪熱在表而淺邪畏其正故病熱而反惡寒也或言惡寒為寒在表或言身熱惡寒為熱在皮膚寒在骨髓者皆誤也仲景法曰無陽病寒不可發汗又言身熱惡寒麻黃湯汗之汗泄熱去身涼即愈然則豈有寒者歟大法煩躁多渴欲寒惡熱

為病熱也亦有亢則害承乃制之則病熱甚而反覺其冷者也雖覺其冷而病為熱實非寒也其病熱鬱甚而反惡寒得寒轉甚而得煖少愈者謂煖則腠理疎通而陽氣得散怫熱少退故少愈也其寒則腠理固密陽氣怫鬱而熱轉甚故病加爾上下中外周身皆然俗因之妄謂寒病誤以熱藥投之為害多矣

又曰陰勝則寒陽勝則熱者謂裏氣與邪熱并之於表則為陽勝而發熱也表氣與邪熱并之於裏則為陰勝

而寒慄也由表氣虛而裏熱亢則害承乃制故反戰慄也  
也大抵本熱非病寒也或傷寒病寒熱往來者邪熱在  
表而淺邪惡其正故惡寒也邪熱在裏而深邪甚無畏  
物畏其極故不惡寒而反惡熱也表裏進退不已故為  
寒熱往來也此氣不并於表裏故異於瘧而寒熱微也  
按此數論並言雜病陰陽相乘及火熱盛反兼水化  
為病亢則害承乃制之例但河間所引傷寒身熱寒  
熱與仲景及明理論義不相合詳趙氏曰明理論云

往來寒熱者邪正分爭也邪氣之入也正氣不與之  
爭則但熱而無寒若邪正分爭於是寒熱作矣蓋以  
寒邪為陰熱邪為陽裏分為陰表分為陽邪之客於  
表也為寒邪與陽爭則為寒矣邪之入於裏也為熱  
邪與陰爭則為熱矣若邪在半表半裏之間外與陽  
爭而為寒內與陰爭而為熱表裏之不拘內外之無  
定由是寒熱且往且來日有至於三五甚者則十數  
發也若以陰陽相勝陽不足則先寒後熱陰不足則

先熱後寒此特論雜病陰陽二氣自相乘勝然也非  
可以語傷寒斯論為甚精切深合仲景之意蓋不唯  
釋疑於活人書而已可與前篇兼看

又按河間言惡寒為寒在表或身熱惡寒為熱在皮  
膚寒在骨髓者皆誤也而活人書亦以此為表裏言  
之故趙氏曰詳仲景論止分皮膚骨髓而不曰表裏  
者蓋以皮脈肉筋骨五者素問以為五臟之合主於  
外而充於身者也惟曰臟曰腑方可言裏可見皮膚

即骨髓之上外部浮淺之分骨髓即皮膚之下外部  
深沉之分與經絡屬表臟腑屬裏之例不同況仲景  
出此證於太陽篇首其為表證明矣是知虛弱素寒  
之人感邪發熱熱邪浮淺不勝沉寒故外怯而欲得  
近衣此所謂熱在皮膚寒在骨髓藥用辛溫至於壯  
盛素熱之人或酒客輩感邪之初寒未變熱陰邪閉  
於伏熱陰凝於外熱鬱於內故內煩而不欲近衣此  
所為寒在皮膚熱在骨髓藥用辛涼必矣一發之餘

表解正和此仲景不言之妙若以皮膚為表骨髓為裏則麻黃湯證骨節疼痛其可名為有表復有裏之證耶然仲景傷寒一書人但知為方家之祖而未解作秦漢文字觀故於大經大法之意反有疑似而後世賴其餘澤者往往類輯傷寒方論其間失其本義及穿鑿者亦有之矧以雜病為論但引其例乎茲趙氏釋疑可謂得其旨趣且黃帝針經有論皮寒熱肌寒熱骨寒熱等例如此則仲景所論分邪在皮膚



骨髓之殊雖欲以盡證例之變蓋自有所本云

惡寒非寒惡熱非熱論

丹溪曰經云惡寒戰慄者皆屬於熱又云禁慄如喪神  
守皆屬於火惡寒者雖當炎月若遇風霜重綿在身自  
覺凜凜戰慄禁慄動搖之貌如喪神守惡寒之甚原病  
式曰病熱甚而反覺其寒此為病熱實非寒也或曰往  
往見有得熱藥而少愈者何也予曰病熱之人其氣炎  
上鬱為痰飲抑遏清道陰氣不升病熱尤甚積痰得熱

亦為暫退熱勢助邪其病益深或曰寒勢如此誰敢以  
寒涼與之非殺而何予曰古人遇戰慄之證有以大承  
氣湯下燥糞而愈者惡寒戰慄明是熱證但有虛實之  
分耳經曰陰虛則發熱夫陽在外為陰之衛陰在內為  
陽之守精神外馳嗜欲無節陰氣耗散陽無所附遂致  
浮散於肌表之間而惡熱也實非有熱當作陰虛治之  
而用補養之法可也或曰惡寒非寒宜用寒藥惡熱非  
熱宜用補藥甚駭耳目明示我治之之法可乎予曰進

士周本道年逾三十得惡寒病服附子百數而病甚求予治診其脈弦而似緩予以江茶入薑汁香油些小吐痰一升許病減大半又與防風通聖散去硝黃加地黃當歸百餘貼而安周甚喜予曰未也燥熱已多血傷亦深須食淡以養胃內觀以養神則水可生火可降也不從吾言附毒必發彼勇於仕進一切務外不守戒忌予曰若多與補血涼藥亦可稍安內外不靜腎水不生附毒必發病安之後官於婺城巡夜冒寒非附子不可以

療而性怕生薑只得以猪腰作片煮附子與三貼而安  
予曰可急歸知其附毒易發彼以為迂半年後果發背  
而死又司丞叔平生脚自踝以下常覺熱冬不可加綿  
於上常自言曰我資稟壯不怕冷予曰此足三陰之虛  
宜蚤斷慾事以補養陰血庶乎可免笑而不答年才五  
十患痿半年而死觀此二人治法或可知矣或曰傷寒  
病惡寒惡熱者亦若是耶予曰若病傷寒者自外入內  
先賢言之詳矣愚奚庸贅

謹按東垣曰發熱惡熱大渴不止煩躁肌熱不欲近衣其脈洪大按之無力者或無目痛鼻乾者非白虎湯證也此血虛發躁當以當歸補血湯主之又有火鬱而熱者如不能食而熱自汗氣短者虛也以甘寒之劑瀉熱補氣非如能食而熱口舌乾燥大便難者以辛苦大寒之劑下之瀉熱補水之比當細分之不可槩論與以上皆宜參考如言煩躁虛煩亦與實煩不同如傷寒煩者為真陽內鬱陰中伏陽之證與陰

虛躁熱病本亦異

虛中有熱宜灸論

衛生寶鑑云奧屯周卿之子年二十三病發熱肌熱消瘦四支困倦嗜臥盜汗大便溏多不思飲食腸鳴舌不知味懶於言語時來時去近半載其脈浮數按之無力正應脈訣云臟中積冷榮中熱欲得精要補虛先灸中脘引清氣上行肥腠理又灸氣海穴乃生發元氣滋榮百脈灸三里助胃氣撤上熱使下於陰分以甘寒之劑

瀉熱大佐以甘溫養其中氣又食粳米羊肉之類固其胃氣以慎言語節飲食至數月病減得平復

按此證治乃陽虛而胃氣不足陰陽不升降致發熱者宜灸之以助陽藥以甘寒瀉血中之大熱又非止陰虛之例也

論骨蒸勞熱用吐下法

子和曰皮膚枯乾痰涎稠粘四肢疼痛面赤唇乾煩躁睡臥不寧或時喘咳飲食少味困弱無力虛汗黃瘦等

證先以茶調散輕涌訖以導水禹功輕瀉三兩行後服柴胡飲子桂苓甘露飲搜風丸白朮調中湯人參散之類量虛實用之如咯血吐血便血此亡血也並不宜吐吐則神昏不可峻服熱藥大忌炙燂酒麪宜食蔬菜永水涼物亦慎不可過忌則胃口閉形瘦脈大乃死候也諸勞倣此

謹按一切病候必憑脈驗證施治則自切當也詳已上勞熱未必不兼陰陽兩虛濕熱自甚或陰虛或勞



傷形氣或脾胃虛損為熱之證吐去痰涎及開提鬱陷之氣次以調養之法治之猶可若便利與禹功導水重峻之劑吾恐實實虛虛不善用而藥之太過多致殺人且如積熱畜熱有餘之證非汗吐下法則不能已者不善用而藥之不及亦致誤人矣當必憑脈驗證施治庶不致藥有太過不及之失

論虛熱發汗之誤

東垣曰仲景論內外不足發熱自汗之證大禁發汗若

飲食勞倦雜病發熱自汗表虛之證認作有餘便用麻黃發之汗大出則表益虛也

謹按仲景論傷寒分例不可發汗者三十餘條至一證有二禁者若寒熱有血弱氣虛者也况雜病乎然誤則致逆為禍至速所謂一逆尚引日再逆促命期矣

論陰盛格陽身熱治例

東垣云馮內翰之姪櫟同病傷寒目赤而煩渴脈息七

八至按之不鼓擊經曰脈至而從按之不鼓諸陽皆然此陰盛格陽於外非熱也與薑附之劑汗出而愈

詳見試效方

按此與王海藏治狂言發斑身熱脈沉細陰證例同東垣又有治脚膝痿弱下尻臀皆冷陰汗臊臭精滑不固脈沉數有力為火鬱於內逼陰向外為陽盛拒陰用苦寒藥下之者此水火徵兆之微脈證治例之妙王太僕曰紀於水火餘氣可知因併錄之以勸

論諸發熱病本不同

此事難知曰一身盡熱先太陽也從外而之內者先無形也為外傷

謹按仲景論傷寒證例三陰俱有發熱但微甚不同趙氏曰論中三陽皆有發熱如少陰二證外又有吐利手足不逆冷反發熱者不死少陰病一身手足盡熱以熱在膀胱必便血少陰病四逆散中用柴胡亦有治發熱意又厥陰病先厥後發熱而利者必自止下利脈數有微熱汗出今欲愈面赤

身微熱為鬱冒嘔而發熱小柴胡與夫太陰病中風四肢煩  
疼是三陰皆有發熱明矣但寒傷陰經發熱則為逆

手足不和兩脇俱熱如火先少陽也從內而之外者先有形  
也為內傷

內經曰人數醉若飽以入房氣聚於脾中不得散酒氣與  
穀氣相薄熱盛於中故熱遍於身內熱而溺赤也

飲食不節起居不時者陰受之入六腑則身熱不得臥  
上為喘呼

活人書曰傷食令人頭痛脈數發熱但左手人迎脈平和身不疼痛是也

難知曰脈人迎氣口俱緊盛或舉按皆實大發熱而惡寒腹不和而口液此內外俱傷也

按已上辨內傷外感

詳見內傷門

內經曰身熱脈弦數戰慄而不惡寒者瘧瘧也

要畧曰發熱身疼而身如熏黃者濕也一身盡疼發

熱日晡所劇者此名風濕汗出而身熱者風也

金匱要略卷九  
活人書云中脘有痰令人增寒發熱惡風自汗寸口脈浮胸痞滿有類傷寒但頭不痛項不強為異

孫尚云虛煩與傷寒相似身熱脈不浮緊不惡寒但熱而煩或不煩頭不痛脚氣為病大便堅脚膝腫痛兩脛或有腫滿或枯細者方其發時亦有發熱增寒嘔惡似傷寒證也

難經曰發熱惡寒脈來浮數者溫病也身熱頭疼自汗多眠陽脈浮滑陰脈濡弱者風溫也

傷寒論曰脈虛身熱得之傷暑

東垣云四肢發熱者或口乾舌乾咽乾蓋心生火小腸生熱火熱來乘主位乃濕熱相合故煩躁悶亂也四肢者脾土也火乘之故四肢發熱也或身體沉重走注疼痛蓋濕熱相搏而風熱鬱而不得伸也

謹按諸病表熱有相類則脈氣病本之不同也因類已上諸例是故仲景論傷寒卒病發熱而惡寒者發於陽也其脈浮緊而瀉為風寒客於榮衛之中也分



六經傳變脈證至二百餘例有因壞悞所致及溫瘧風溫溫疫等證皆冬傷於寒發為諸脈證之變此傷寒論之所以作也河間劉守真論熱病因陽氣怫鬱而為熱或鬱結轉甚而惡寒所謂亢則害承乃制陽極反似陰與傷寒皆相類此原病式之所以作也東垣李明之論內傷脾胃之證始得之多氣高而喘身熱而煩其脈洪大而頭痛或渴不止其皮膚不任風寒而生寒熱與外感傷寒多相似此脾胃論之所以

作也斯三君子之論本推明內經病機之旨條熱證  
標本之不同勿視此以為彼也然學者不審其義而  
各為專門是以丹溪朱先生曰學先仲景書者以傷  
寒為主恐懼內傷作外感先東垣書者以胃氣為主  
恐懼外感為內傷先河間書者以熱為主恐懼以寒  
為熱不若先主於內經則自然活潑潑地蓋內經之  
義則精而博者也然則微三君子之論又何由知經  
義之積隱乎但不審其義而各為專門者視此以為

彼悞人多矣吁丹溪之旨微哉切觀仲景之法必憑脈驗證施治變化無窮深合內經之旨如寒邪在表以辛溫之藥汗之在裏以辛熱之藥溫之傳變在半表裏者以甘寒之藥和解之傳變入裏者以苦寒之藥下之涼劑亦未嘗委而不用也大抵固憑脈驗證以自通變不可執論專方如此矧人身之病有水火徵兆之微若王太僕曰熱來復去晝見夜伏夜發晝見時節而動是無火也是例固河間論亢則害承乃

制病式亦庶幾矣丹溪更有論陰陽為惡寒非寒惡  
熱非熱者因人身之病水火徵兆幽顯莫測先哲推  
論亦且至矣然仲景論傷寒脈法亦未嘗不引雜病  
河間論熱證脈法而且未詳學者能本仲景參叔和  
脈法自辨內傷外感之分殊如王海藏曰仲景言弦  
瀼為陰叔和言弦瀼為陽雖有陰陽之別則不離諸  
數為熱諸遲為寒仲景叔和言本兩途非相違背合  
而論之皆是也仲景所言傷寒自外從氣而入以弦

脈為陰邪從外入先太陽也叔和所言雜病自內從血而出以弦脈為陽病自內生先少陽也如此則形證有相類脈氣病本之不同學者審是則自然通變不致視此以為彼拘於執論專方而已也

熱證治法

發表之劑

易簡參蘇飲治感冒發熱頭痛或因痰飲凝積為熱狀似傷寒者

前胡

人參

紫蘇

乾葛

半夏

茯苓

各三分

枳殼

陳皮

甘草

桔梗

木香

各半錢

右咬咀生薑五片水煎服

人參敗毒散

方見效門

按此二方足少陽柴胡例藥

參蘇飲解見痰飲門

局方柴胡升麻湯治發熱頭痛惡風體疼鼻塞咽乾痰盛

方見傷風門

按此足少陽陽明手太陰藥也

葛根解肌湯治發熱惡寒頭痛項強傷寒溫病

葛根 四錢

桂 一錢

黃芩

甘草

白芍 各二錢

麻黃 三錢

右咬咀入薑棗煎

按此足太陽陽明太陰藥也

知母葛根湯治身熱頭痛風溫溫毒證

知母一錢半

葛根四錢

石膏三錢

甘草

木香

升麻

黃芩

南星

人參

防風

杏仁

川芎

羌活

各一錢

姜薤

二錢半

麻黃

二錢

右咬咀作二服入薑煎

按此足太陽陽明手太陰藥也以上三方並足太陽

例

河間六神通解散治發熱頭痛發渴身疼脈洪無汗



麻黃二錢

甘草三錢

石膏

滑石

黃芩各四錢

蒼朮八錢

右咬咀入薑蔥煎

按此足三陽手足太陰藥也出太陽例

易老九味羌活湯治發熱惡寒無汗或自汗頭痛項強  
或傷風見寒脈傷寒見風脈並宜服之

羌活

防風

蒼朮各一錢半

川芎

白芷

生地黃

黃芩

甘草

細辛一錢

右咬咀水煎

按此足太陽陽明三陰藥也

易老云經曰有汗不得服麻黃無汗不得服桂枝若  
差失則其變不可勝言故立此法使不犯三陽禁忌  
為解利神方非獨治雜病藥也

謹按仲景論傷寒發表藥分六經及解肌可刺諸法  
蓋恐藥致悞變逆慎之至也今集已上諸方皆傷寒

表藥之變法宜詳審脈證而擇用之然易老九味河間通解意雖不同務在藥證相對名實相符方可行之否則犯禁致逆及失其立法之意也是以許文正公曰近世論醫有主河間劉氏者有主易老張氏者張氏用藥依准四時陰陽升降而增損之正內經四氣調神之義醫而不知此妄行也劉氏用藥務在推陳致新不使少有怫鬱正造化新新不傳之義醫而不知此無術也然而主張氏者或未盡張氏之妙則

瞑眩之劑終莫敢投至失幾後時而不救者多矣主  
劉氏者或未悉劉氏之蘊則却效目前陰損正氣遺  
禍於後日者多矣能用二家之長而無二家之弊則  
治庶幾乎於此二方製法可見大抵學者當於經論  
中求之知其所主不可偏執於一家而已

攻裏之劑

宣明三乙承氣湯治臟腑積熱痞滿燥實堅脹

甘草

枳實

厚朴

大黃

芒硝

右咬咀入薑煎

按此足陽明例藥也發明曰漢張仲景作傷寒論為邪自外入傳於胃者謂之入腑腑之為言聚也胃為水穀之海榮衛之源水穀會聚變化而為榮衛邪氣入胃則胃中之氣苑滯糟粕秘結而為實實則瀉之人所共知如緩急輕重之劑則臨時消息焉不惡寒反惡熱發渴譫語腹滿而喘手足濇然汗出者急下

之宜大承氣湯如邪氣未深恐有燥屎少服小承氣湯試之腹中轉失氣者有燥屎也乃可攻之不轉失氣者初硬後溏尚未可攻攻之則腹滿不能食若腹滿不通與小承氣湯微和胃氣勿令大泄如發汗後不惡寒但熱者胃實也當和胃氣調胃承氣湯主之成無已云大熱結實者與大承氣湯小熱微結者與小承氣湯以熱不太甚故於大承氣湯中去芒硝又以結不至堅故減厚朴枳實也如不至大堅滿邪熱

甚而須攻下者亦未可投大承氣湯必以輕緩之劑  
攻之於大承氣湯減厚朴枳實加甘草乃輕緩之劑  
以調胃也設若大承氣反用調胃治之則邪氣不服  
小承氣證反用大承氣下之則過傷正氣而腹滿不  
能食故有勿大泄之戒此仲景所以分治之未嘗越  
聖人制度後之醫者以此三藥合而為一且云通治  
三藥之證及無問傷寒雜證內外一切所傷若依此  
說與仲景之方甚相違背及夫軒岐緩急之旨由是

紅紫眩亂迷惑世人一唱百和使病者暗受其弊將  
何訴哉倘有仁心審是者當於內經仲景方中求之  
貴使藥證相對以聖賢之心為心則方之真偽自可  
得而知矣

當歸承氣湯治燥熱裏熱火鬱為病或皮膚枯燥或咽  
乾鼻乾或便溺結悶通宜用此

當歸

大黃 各四錢 甘草

芒硝 各三

錢



右咬咀入薑煎

按此足太陰厥陰陽明藥也凡血證下藥詳見仲景  
抵當諸湯例茲不備錄但此與前方可見有氣血之  
分

發表攻裏之劑

宣明雙解散治一切風熱積熱

益元散

防風通聖散

各一兩

右每三五錢入葱白鹽豉五十粒薑三片煎服

按此足太陽陽明少陰厥陰手足太陰藥也治風熱鬱熱甚捷但本論云治風寒暑濕飢飽勞役內外諸邪所傷無問雜病便可通解然斯意混同主治而寒濕何以得散內傷不足之證何以抵受邪實實虛虛不無致逆故潘思敬云是仲景調胃承氣湯後人一變加連翹梔子薄荷黃芩謂之涼膈至河間又一變於涼膈中加防風川芎當歸芍藥麻黃石膏桔梗滑石荊芥白朮謂之防風通聖古之復方也今復之又

復製法蓋可知矣而學者識之

大柴胡湯治傷寒雜證發熱脈沉實弦數熱日數多或有表復有裏脈洪頭痛而譫妄或濕熱自利表裏證已急宜此下之

柴胡

四錢

黃芩

芍藥 各一錢半

半夏

一錢二分

枳實 二錢

大黃 二錢半

右咬咀入薑棗煎

按此足少陽陽明太陰厥陰藥也出太陽例

清氣之劑

局方人參白虎湯治氣熱心煩發渴

石膏

四錢

知母

一錢半

甘草

一錢

人參

半

錢

右咬咀入粳米一合煎

按此足陽明少陰手太陰藥也

清心蓮子飲治發熱口乾小便白濁夜則安靜晝則發熱

黃芩

麥門冬

地骨皮

車前子

甘草各三錢半

蓮肉

茯苓

黃芪

柴胡

人參各二錢半

右咬咀水煎

按此足少陽少陰手足太陰藥也

宣明柴胡飲子解一切肌熱蒸熱積熱或汗後餘熱脈洪實弦數

黃芩

甘草

大黃

芍藥

柴胡

人參

當歸各二錢半

右咬咀入薑煎

按此足少陽例又表裏血藥也寶鑑附於氣分熱例  
下今姑從之學者宜取擇焉

機要云若膚如火燎而熱以手取之不甚熱為肺熱  
目睛赤煩燥或引飲黃芩一味主之晝則行陽二十  
五度此言氣分熱也

涼血之劑

清涼飲子治大人小兒血脈壅實臟腑生熱面赤煩渴  
睡臥不寧

大黃

芍藥

當歸

甘草各等

分

右咬咀水煎

按此足太陰厥陰之藥也

元戎四物二連湯治血虛虛勞發熱五心煩熱晝則明  
了夜則發熱

當歸

生地黄

白芍

川芎

黃連

胡黃連

右咬咀水煎服

按此足太陰厥陰手少陰經藥也

機要云若夜發熱主行陰夜則行陰二十五度若脇  
肋熱或一身盡熱或日晡肌熱者皆血病也宜以上  
方及桃仁承氣選而用之

清氣涼血之劑



局方洗心散治風壅壯熱頭目昏痛熱氣上衝口苦唇焦咽喉腫痛心神煩燥多渴五心煩熱小便赤澀大便秘滯

大黃煨

甘草

當歸

芍藥

麻黃

荊芥穗

各六錢

白朮

五錢

右為末每服二三錢生薑薄荷湯煎服

按此足太陽陽明厥陰手足太陰經藥也今人多用之故收入然以白朮合大黃入心故名洗心而從以

麻黃荊芥亦是表裏藥

甘露飲治男子婦人小兒煩熱胃中客熱口臭齒齕煩渴咽瘡等證

熟地黃

生地黃

枇杷葉

山茵陳

天門冬

麥門冬

枳殼

黃芩

石斛

甘草 各等分

右為末每服二錢水煎服

按此足陽明手太陰少陰經藥也

龍腦雞蘇丸除煩熱鬱熱肺熱欬嗽鼻衄吐血崩下  
血熱淋消渴驚悸解酒毒胃熱口臭口苦開心明目

薄荷葉 一兩六錢 生地黃 六錢 麥門冬 四錢

蒲黃 炒

阿膠 炒各二錢 黃芪 一錢

人參

木通 各二錢 銀州柴胡 同木

通浸二日取汁入膏

甘草 一錢半

右為末用蜜三兩二錢煉過後下地黃末木通柴胡  
汁熬成膏丸桐子大每二十九嚙破湯下

按此三焦藥也

安神清鎮諸方

局方至寶丹

方見中風門

按此氣血之藥通關透肌骨之劑也

東垣朱砂安神丸治心神煩亂怔忡兀兀欲吐氣亂而  
熱似懊懣狀

黃連一錢半

生地黃

當歸身

甘草炙

各半錢

朱砂一錢別研

右為末蒸餅丸黍米大每十九或十五二十九唾津

下

按此二方血分藥也

牛黃膏治熱入血室發狂不認人者

牛黃二錢半

朱砂

蔚金各三錢

腦子

甘草各一錢

牡丹皮二錢

右為細末煉蜜丸皂子大新水化下

錢氏安神丸治熱渴心悶脈實頰赤口燥

麥門冬

馬牙硝

白茯苓

山藥

寒水石

各半兩朱砂一兩

甘草半兩

龍腦一字

右為末煉蜜丸雞頭大每服半丸或一丸沙糖水化下

按此氣分藥也

瀉諸經實熱方

局方涼膈散治上焦積熱煩躁多渴面赤面熱頭昏咽燥喉咽腫痛口瘡便溺赤澁狂言譫妄睡臥不安並

宜服之

大黃

朴硝

甘草 各二兩 連翹 四兩

梔子仁

黃芩

薄荷葉 各一兩

右為末每服二錢竹葉蜜此小煎服

按此手太陰少陰足太陰陽明藥也輕者宜用桔梗湯母犯下二焦也餘倣此

桔梗湯見喉痺門

調胃承氣湯治中焦實熱胃熱實而不滿

大黃 一兩 甘草 二錢半 芒硝 四錢半

右咬咀水煎

按此足陽明經藥也輕者宜用前胡散

八正散治下焦積熱二便閉澀多渴咽乾口熱生瘡腫  
痛淋血

大黃

瞿麥

木通

滑石

扁竹

車前子

山梔

甘草 各等分

右為末每服二錢水煎入燈心

按此足太陽陽明經藥也輕者宜用導赤散



錢氏瀉青丸治肝經鬱熱

當歸

龍膽草

川芎

山梔

大黃

羌活

防風

右為末蜜丸雞頭子大每一二九

瀉心湯治心熱

黃連一兩

右為末水調二三分量病人大小與之

瀉黃散治脾熱口臭咽乾

藿香葉七錢

山梔一兩

石膏半兩

甘草三

兩

防風

四兩

右為末同蜜酒拌微炒香每服一錢

瀉白散治肺熱

桑白皮

地骨皮各一兩甘草半兩

右為末每服二三錢

東垣滋腎丸治腎熱

黃柏三錢

知母二錢

桂一分半

右為末熟水丸桐子大每七八十丸至百丸食前百沸湯下

按此五臟藥例也

半夏湯治膽腑實熱精神不守熱泄病

半夏

宿薑

各三錢

黃芩

遠志

茯苓

各二錢

生地黃

五錢

秫米

數合

酸棗仁

一合

右咬咀長流水煎

導赤散治小腸實熱小便赤澀而渴

生地黃

木通

甘草 各等分

右末入竹葉同煎

前胡散治胃氣實熱唇口乾裂中心熱躁大便秘結非  
時煩渴睡中口内生涎

大黃

半兩

桔梗

枳殼

前胡

杏仁

各一錢

葛根

二錢

右為末每二錢入薑煎

瀉白湯治大腸實熱腹脹不通俠臍痛食不化喘不

能久立口生瘡

橘皮

淡竹茹

黃芩

梔子仁

藥皮

炙各半兩

茯苓

芒硝

各一兩

生地黃三

兩

右剉每四錢入薑棗煎空心服

赤茯苓湯治膀胱實熱腹脹小便不通口苦舌乾咽腫不利

赤茯苓

猪苓

葵子

枳實

瞿麥

木通

黃芩

車前子

滑石

甘草 各等分

右㕮咀入薑煎食前服

按以上諸方出五臟治要例

治虛熱升陽之劑

小柴胡湯治潮熱身熱默默不欲飲食或嘔或渴或利或欬

人參

半夏

生甘草

黃芩 各二

錢

柴胡四錢

生薑五片

棗二枚

右咬咀水煎

按此足少陽藥也出太陽例主虛勞煩熱能引清氣上行陽道在經主氣在臟主血故更能入血室也

東垣升陽益胃湯治肺之脾胃虛怠嗜臥四肢不收身體沉重口乾食無味大便不調小便頻數食少食不消洒淅惡寒而或微熱

方見內傷門

按此手太陰足陽明太陰之藥欲升浮中焦下陷之氣故加太陽諸經藥也

補中益氣湯治形神勞役或飲食失節勞倦虛損身熱而煩脈洪大而虛頭痛或惡寒而渴自汗無力氣高而喘

黃芪一錢半 人參

甘草炙各一錢 白朮

當歸身

柴胡

升麻

陳皮各半錢

右咬咀水煎



按此手足太陰少陽經藥表裏氣血之劑也

加減見內傷門

謹按發明曰經云治熱以寒溫而行之治寒以熱涼而行之治溫以清冷而行之治清以溫熱而行之夫治熱以寒溫而行之者有三皆同大熱在身止用黃芪人參甘草此三味者皆甘溫雖表裏皆熱躁發於內捫之肌熱於外能和之汗自出而解矣此溫能除大熱之至理也熱極生風乃左遷入地補母以虛其

子使天道右遷順行諸病得天令行而必愈二也况  
大熱在上其大寒必伏於內溫能退寒以助地氣地  
氣者在人乃胃之生氣使真氣旺三也此與熱因寒  
用寒因熱用必伏其所主而先其所因治法理同而  
證不同學者最宜深玩

治虛熱滋陰之劑

楊氏秦苧扶羸湯治肺痿骨蒸成勞或嗽或寒或熱聲  
啞不出體虛自汗四肢怠惰

柴胡 二錢

人參

鱉甲 炙

秦艽

當歸

地骨皮 各二錢半

半夏

紫苑

甘草 各一錢

右咬咀水煎

按此足少陽例藥又氣血之劑也

局方當歸補血湯治肌熱躁熱目赤面紅煩渴引飲晝夜不息其脈洪大而虛重按全無此脈虛血虛也若悞服白虎湯必死宜此主之

黃芪

當歸

右咬咀水煎

按此足三陰經藥也

十味人參散治虛熱潮熱身體倦怠

柴胡

甘草

人參

茯苓

半夏

白朮

黃芩

當歸

白芍

葛根等分

右咬咀入薑煎

按此足少陽陽明太陰經藥也

瑞竹堂柴胡梅連散治骨蒸勞熱久而不痊三服除根  
其效如神及五勞七傷虛弱皆治

胡黃連

柴胡

前胡

烏梅各三

錢

右咬咀每二錢童便一盞猪脂一枚猪脊髓一條韭  
根白半錢同煎至七分去粗溫服不拘時

按此足少陽厥陰手少陰太陰經藥也出少陽例亦

是却劑

元戎五蒸湯治骨蒸勞熱自汗

甘草

人參

知母

黃芩各二錢

茯苓

熟地黃

葛根各三錢

石膏半兩

竹葉

二十片

右咬咀作一服入粳米一合煎加減見本論

按此足陽明手太陰手足少陰經藥也已上並氣血之劑

升陽滋陰之劑

卷九

局方十全大補湯治諸虛不足五勞七傷不進飲食久病虛損時發潮熱者

白茯苓

人參

當歸

白朮

黃芪

川芎

肉桂

白芍炒

熟地黄

甘草 等分

右咬咀每服一兩入薑棗水煎

按此手足三陰氣血藥也

人參養榮湯治久病虛損口乾食少欬而下利心驚悸  
熱而自汗

前方減芎加陳皮五味遠志

右咬咀入薑棗煎

按此手足太陰藥氣血之劑也

黃芪鱉甲散治男女虛熱身瘦五心煩熱四肢怠惰欬  
嗽咽乾自汗食少

人參

肉桂

桔梗

各一錢半

生地黃



半夏

紫苑

知母

白芍

黃芪

甘草

桑白皮

各二錢半

天門冬

鱉甲

各五錢

秦艽

茯苓

地骨皮

柴胡

各三錢

右咬咀入薑煎每服一兩衛生寶鑑減桂芍地骨皮  
人參黃芪散

按此手太陰例藥氣血之劑然氣亂於胸中為清  
濁相干者須加氣藥以理之又不必拘此如氣液衰

陰血竭古方有兼用烏梅蛤蚧猪腎脊髓人尿等物  
皆其法也

治風熱之劑

川芎石膏湯

方見中風門

仙朮芎散治風熱燥熱

防風通聖中加菊花藿香砂仁減麻黃芒硝

右為末每服一二錢

按此足太陽陽明三陰經藥也

寒熱之劑

柴胡薑桂湯治寒熱自汗

柴胡

四錢

桂枝

黃芩

乾薑

甘草

牡蠣各一錢半

瓜蒌根二錢

右咬咀水煎

按此少陽例藥也

桂枝麻黃各半湯治發熱惡寒便清不渴脈浮緊而瀯

方見傷寒例

陽旦湯治身熱惡寒頭痛脈洪盛自汗

桂枝湯加黃芩一兩

按此並太陽例藥

暑熱之劑

局方黃連香薷飲

按此手太陰少陰藥也

東垣清暑益氣湯

方並見暑門

按此手足太陰少陰足陽明藥也

濕熱之劑

五苓散

方見濕門

東垣清燥湯

方見痿門

按此手足太陰氣血之劑也出太陽例

火熱之劑

黃連解毒湯

按此手足太陽陽明少陰手太陰藥也

當歸龍膽丸

方並見火門

按此足陽明厥陰手足太陰少陰藥也

風濕熱之劑

東垣羌活湯治身重或眩運麻木小便澀大便不調下

焦痿軟不能行止

羌活

防風

柴胡

各一錢

藁本

獨活

茯苓

澤瀉

猪苓

黃芪

甘草 炙

陳皮

黃柏

黃連

蒼朮

升麻

川芎各半錢

右咬咀水煎

按此疎風勝濕升陽之劑也出太陽茯苓澤瀉例

治食熱之劑

千金紫丸治飲食傷先寒後熱

拔萃妙香丸

方見風癰門

丹溪越鞠丸治食鬱

蒼朮

神麴

香附

山查

醋炒鉞砂 撫芎等分

右為末糊丸後加減法為六鬱例併附於左

氣鬱

香附

蒼朮

撫芎

血鬱

見血門

濕鬱

見濕門



痰鬱

海石

香附

瓜蒌仁

南星

熱鬱

香附

撫芎

青黛

蒼朮

按食傷發熱諸例宜於內傷門選用

玉機微義卷九